

Taumahi: Me paanui kia Kotahi te whaarangi ia ra. Hei te mutunga, otia i ngaa paatai me ngaa ngohe. Tukuna mai o whakautu ki au maa te iimera: tineka@thamesouth.school.nz

Mōkai Tuna

nā Ross Ahuriri White

"Ētahi tamariki moumou kai ēnei. Kitea kei te matekai ngā iwi o ngā whenua o Inia me ērā momo whenua e muia nei e te tangata. Paipai noa iho ki a Boy rāua ko Kiwi te moumou i ā rāua kai!"

Ko taku māmā tērā ko Te Ara, pēnei tonu i te rekoata kua pakaru nei. Hoki atu, hoki mai. Hoki atu, hoki mai! Ko taua take tonu.

He mea nui ki a ia te kai i te mea ko te whānau tonu ki te whakatipu i ā mātau kai i Wharekahika, arā, ngā momo hua whenua pērā i te kūmara, te parareka, te kāpiti, te pī, te kāreti, te paukena, te merengi me ērā atu, tae ana ki ngā hua rākau. He kararehe anō ā mātau pērā i te kau, te poaka me te hipi hei patu hei kai. I tua atu he kau miraka ā mātau, i whiwhi miraka, whiwhi kirīmi ai mātau, me ngā pīkaokao hei kai, hei whakawhānau hēki hoki.

"Waimarie ana ngā kurī i ngā toenga kai a ngā tamariki nei". Ko Māmā anō tērā.

Ēngari kua waia noa māua ki ēnei ngunguru. Ko te hapa tonu tana tino wā amuamu i te mea he paku noa te parakuihi i ngā ata kua oma māua ko Kiwi ki te kura me ā māua tina. Ko te hapa te tino wā kai a te whānau.

Raa Tuatahi: Kupu Hou

Anei ngaa kupu e tirohia ana tatou:

-moumou

-taenga

-whakawhaanau

-piikaokao

Ngohe:

He aha te tikanga o eenei korero?

1. Ētahi tamariki moumou kai ēnei
2. pēnei tonu i te rekoata kua pakaru nei.
3. "Waimarie ana ngā kurī i ngā toenga kai a ngā tamariki nei"

Tuhia mai ou whakautu i runga i te rorohiko, I roto raanei I teetehi pukapuka.
Tango whakaahua, tukuna mai ki tku iimera. Kia Haumaru.